

名媛詩話

名媛詩話卷九

鐵塘沈善寶湘佩著。受業完顏佛芸保校字

同里袁梁吉嘉天長諸生崇雲塾室早寡子女亦殤

歸依母家。假隨園以終老。現已年逾五旬。著有湘

痕閣詩稿一冊。詞稿一冊。其族孫崇海秋家塾進士

欲付梓。以詞稿問序於予。并囑選定。詞皆清麗纏綿

與生香。花簾可爲伯仲。對鏡沁園春。云圓冰之中似

是疑。非端詳欲驚。恁兩眉恨鎖。潛消蛾綠。雙鬟愁擁

暗換鴉青水。剪瞳寒花搏頰。艷昔日憐伊。此日憎傷

憔悴問今吾故我誰駐真形晶瑩在自通靈只難卜  
團圓過一生歎憑人幻象隨悲隨喜泥人癡坐如醉  
如醒簾捲春風奩開秋月獨舞吟懣感不勝重磨拭  
照瑕疵無媿心共澄清嘔血戲占金縷曲云湧出蓮  
花舌藕猜疑九霄咳唾霏成紅雪脣玉懷冰寒不沁  
肝胆生來原熱是半世胸頭凝結舉目蒼涼無處灑  
看星星點點沾襟濕還比較淚痕赤羅浮縹緲尋仙  
跡怨天公未容化蝶偏教磨折冷雨敲窗魂又返也  
似短檠明滅只聽取傍人相惜說道虛名今古累甚

睡心奇幻遊人識  
塵寰夢轉輪  
犁哀艷沉鬱讀之令  
人百端交集

湖痕閣集中無體不工洵爲克承家學有柳棉曲爲  
少蘭弟作輕清綺麗長處道音詩云柳棉三月暮如  
雪柳色青青未堪折艷曲誰歌金縷衣柔條只道丁  
香結託根原是舊章臺穉綠初勻費剪裁  
移徑花香人醉後  
罨樓春暖燕飛來  
乳燕飛來棲正好  
糴華恐被罡風掃  
生憐入溷與飄茵  
那得金鈴常護保  
朱門有客嘆沉淪  
願贖蛾眉別贈人  
消得石崇珠一斛未

拈郭璞豆三升從今金屋深藏貯不向豪家歌白紵  
貼翠難排鶯燕行拈花笑待神仙侶已是盈盈碧玉  
年雪膚花頰鬪鮮妍楊枝合使櫻桃配錦字都憑紅  
葉傳鄉是溫柔人是玉消魂那不情相屬爭買花鈿  
助豔妝慣裁冰縠爲春服剗襖香階月影低驚鶯弱  
翠總雙棲一朝金谷繁華歇南北東西送馬蹄雲散  
風流成轉瞬天涯何處藏芳詠密語難將叩叩通鍾  
情猶是心心印蓬門冷落少經過翠減紅消幽恨多  
願把金鍼供玉粒幾曾補屋怨麻蘇回頭已是銀黃

隔廣袖還留睡華碧宛轉情絲在自牽零星脂粉無  
人惜和雨和煙倍可憐靈根生小便纏綿漫教春色  
隨流水化作青萍箇箇圓七律如寄妹淑筠四之二  
云自別江干喚奈何詩情酒思漸消磨家如風絮搏  
來少人是霜華落處多

原注吉甫弟客游都中受三  
錫堂在豫淑儀于歸袁江儀

吉妹師覓裳王靜  
儀兩弟婦並下世

馴鷗有心棲枳棘幽禽無分老松

蘿炎涼閱盡愁擔盡一任年華委逝波片語傳來劇  
可憐一灣銀漢限情天蕉心百折愁難展蠟淚千行  
怨不蠲掩鏡怕窺人似玉開簾偷拜月如弦因何纔

露團團影便咏班姬執扇篇淑筠和作四之二云自  
悲風木不相離淺燠輕寒賴護持芍藥香酣停繡早  
海棠春嬾捲簾遲怕遠儀範親教禮爲惜愁癡更課  
詩最是青鸞來報吉累君心力盡斯時幾曾憔悴感  
乘鸞惟祝秋風振羽翰烈日不妨花並蒂閨雲終碍  
月團圓茶煙滿院翻書嬾雁陣橫空寄恨難但囑重  
回江上棹西窗剪燭話更闌淑筠才德兼備歿年僅  
二十六絕命詩有壓繡每因誰刺鳳畫眉枉說壻乘  
龍及枉拋心力難酬姊未盡劬勞更囑姑味其意頗

有天壤王郎之感柔吉有同懷姊妹憐君小癡點相  
兼尤竊竊紅顏黃土讀其詩亦可想其風貌惜哉淑  
錫名管

儀徵江漱芳爲烏程鄭夢白中丞祖琰室由武林歸  
茗上云篷底看山色微雲淡素秋歸心移柳岸涼意  
足蘋洲水淨宜開鏡舡輕不載愁西湖樓外月還照  
遠人不女鄭雲芝

慶英

素石

浣雲

皆工詩雲芝春閨

云蘭閨盡日無多事手寫新詩贈百花素石殘菊云  
黃葉秋高霜盡後白衣人去酒闌時清雅可誦



大興胡智珠

相端

知府文銓女諸生許蔭基室有散

花天室詩稿中有云家有古琴愛弗忍離與同卧起  
已數年矣每當人靜和絃三弄音韻凄清雅女夢回  
猶怪泠泠未已爰成三絕以紀癡情云焦桐三尺韻  
秋泉伴我紅閨已數年紙帳羅衾清似水宵來常共  
一床眠欹枕和絃偶一彈寂寥聚响靜更闌幾回驚  
破胎仙夢月墮西窗露氣寒玲瓏撫徧七條絲忽到  
銅壺漏靜時我本善愁常不寐年來却被鞠通知韻  
人殯事洵不多見

金谿劉芳懷

淑

詠芍藥云殿春花好放偏遲紅到底

西第幾枝不肯移栽粧閣畔嫌他名字是將離嘉興

徐文潯

簡

云沉香亭子玉闌杆徧植名花次第看第

一莫栽紅芍藥此花開日已春殘二詩幾令芍藥減

色矣而胡智珠詠云粉淡香清引蝶來四圍濃綠單

樓臺東皇怕洩春光盡最好花教最後開使芍藥有

知必狂喜不禁芳懷爲吳蘭雪刺史嵩梁原配

瑞安項若眉

與

同知林用光室有脂學樓初稔古詩

勝於近體白紵詞云美人勸酒攜霞觴和風嫋嫋輕

袿揚七寶釵拂雙珠璫游龍天矯驚鴻翔金蓮花燭  
爛終夕八珍絡繹陳瑤席請君徧召傳杯客月明未  
是東方白車遙遙云車遙遙兮適他方心思君兮不  
能忘君在旅兮妾在機織得紉素爲君衣君衣成兮  
妾顏悅起捲珠簾望明月

周季華紉天啟宮詞百首有高鬟窄袖自成行內苑  
看來迥異常惹得旁人都竊笑不隨時世闢新妝注  
曰張后性淡靜愛憎稍與衆異客氏教官人效江南  
作廣袖低髻尤爲后所厭薄暮春佳日駕幸西苑等

處坤甯宮侍從多不踰三四十輩其裝束如圖畫所  
貌古人像客氏往往目笑之又云間拈難字課深更  
勤情初分誦讀聲長夜最憐師父寂燈前幾個小書  
生注曰張后擇官人之秀慧者日授唐宋小詞孤燈  
長夜羅侍左右課其勤惰能習者微語之曰學生子  
當拜謝師父矣又云獨坐深宮花落時拋書長夜自  
尋思閒宵絮絮惟何語祇有青天夜月知注曰張后  
既疎宸眷絕不露怨望之色惟以文史自娛或清坐  
絮絮獨語而已可見終風之盛千古同情余見孟緄

詠古云終始恩誰驗淺深長門愁坐漫沉吟九天珠  
玉都無補何必虛糜買賦金又見上元朱菊如

景素

題迴文詩後云始信連波解愛才肯因錦字遣陽臺  
當年若只憐歌舞就是迴文也在裁余嘗云使漢武  
不能愛才長門賦雖工何能感悟竇連波不知翰墨  
迴文錦雖巧亦復何益二君之作蓋有深意焉

巴邑向烈婦爲農人王如義室臨歿自書名節江中  
現五字又留絕命詞十章并序云妾涪陵向氏女也  
嫁巴邑王氏長郎未一年郎死昨歲不幸翁又病亡

近有無知之輩以不入耳之言來相勸勉俯思衣食  
事小名節事大欲全此身惟有赴清流葬魚腹但嫺  
姑在堂羣季尚幼身死不明未免遺累冷夜掩淚題  
絕命詞十章藏諸笥巾他日燒燭檢閱妾死旣明妾  
之姑亦無累矣詩錄四首云幼讀詩書雖不多也知  
東作與南訛蒸梨炊黍三更續敢怨微軀受折磨屈  
指于歸未一年兒夫倏爾喪黃泉耕田供職緣何罪  
妾欲焚香一問天

原注夫因夏日刈禾  
田中得病半日卽亡

吾家兩弟並

艱辛能歷艱辛自不貧創業守成誰箇事須知嫂是

未亡人阿翁服制未周年又別孀姑各一天此是兒  
家心恨處披麻一絡到黃泉此係道光癸卯五月內  
事

孟總古詩最佳集中美者已不勝指近有送大兒似  
漢赴永甯州吏目任之作文與情深似箴似訓賢慈  
愷悌可與學太夫人頡頏也詩云我昔初見汝翩翩  
未冠時讀書頗穎慧酬對嫺禮儀汝父困名場衣食  
事奔馳顧此失母雛煢煢獨何依我懷黯然傷我母  
尤憐之愛女而及孫提攜至青齊母子樂晨夕甥舅

同書帷阿貴未忍加愛憐常恐遲學業未有成其過  
當誰辭陶邱居六載乃復來京師荏苒廿一年未嘗  
暫別離苦爲祿養謀一官赴黔西飄飄萬里行相見  
未有期我心摧欲絕汝悲不可支男兒志四方豈得  
戀恩私汝父能強飯有弟堪娛嬉我衰艱步履汝婦  
能扶持辛苦惟一身寒暖當自知出門宜擇友聽言  
宜擇詞內外宜肅清恩威宜並施勿以祿秩微謹慎  
循良規勿以道里遠天高而聽卑人生常聚散日月  
遞盈虧人欲天必從團團待來茲秋風肅寒成長途



勞我思願言勤尺書慰此區區懷

海昌鄭佩香

蓮孫

年十四工詩善畫詞學三李其吟

稿爲許聽樵孝廉攜至都門雲林囑余采入詩話爰  
得披讀秀逸之氣撲人眉宇雨過云碧水溪痕長青  
苔砌色寒閒花半零落庭院已春殘春閨云妝成下  
繡簾行到花深處花深不見人春燕雙來去詞如實  
花聲雨夜獨坐云慘然落梅天細雨連綿通宵不住  
灑連纖羅帳低垂屏半掩獨坐燈前香餅噉爐添俗  
倚疎簾芭蕉敲碎綠窗煙遲漏疎鐘聞斷續愁不成

眠滅字木蘭花題桐院聽琴圖云蒼苔雨歇石上琴  
聲清欲絕竚立空庭秋露微微暗染襟碧梧寫影明  
月穿簾人語靜湘水湘雲一曲和風靜夜聽氣清神  
韻情勝於詞再加數年學力他日造詣精進樹幟吟  
壇足張吾軍矣

德清蔡清華夫人

端

同知夔女楊桂山方伯振麟室

慈祥賢淑畫法得陳白陽之神花光禽影顏色如生  
詩不甚作偶一吟詠隨手棄去稿存甚少賦性愛才  
視寶最厚暇日輒寫小幅花鳥見貽賦詩謝云平

生不識金銀氣貪愛難從書畫除染翠道朱頻拜賜  
焚香吟玩抵瓊瑤夫人讀之大喜和云綠賦紅酣春  
已深繁華轉眼易銷沉金閨那得徐熙筆聊寫名花  
贈素心

福山王筠香子歸拔縣劉氏五日而寡侍舅姑甚孝  
撫小姑教養備至嫁時奩具周備親戚稱羨余聞筠  
香之節操賢淑已深欽服且聞才學甚富善作擘窠  
大字行草極佳余卽作書索其詩稿復札云翠竹黃  
花久叅般若清詞麗句無意虛名余爲惘然久之筠

香爲福山巨族姑母某工制藝善辭賦惜難一觀耳  
烏程徐德馨隨父宦于章江與先慈結社唱和余時  
甚幼見其丰神秀麗侍母嚴孝其母沈孺人與先慈  
至契時相往還及德馨隨翁任山東母念女成疾余  
與先慈尙往視之後母女相繼而亡不遑聞問丁酉  
歲見拱璧緣彈詞紀德馨夫婦事甚悉惟姓氏稍訛  
耳余尙記德馨送別先慈詩中有白蘋館驛休聽雨  
黃葉山村好賦詩之句及前卷春柳一聯耳

德馨爲  
知縣徐

女

如皋吳玉珍從母爲優貢外從祖潤田先生兩方女

先生遊幕江西廿載不歸從母寄父七律四首勸歸

余時甚幼初學吟詠潤田先生頗爲獎賞出以見示

今僅記其誰向綠窗憐蕙草夢教黃土泣萱花及江

上縱多鴈鷺伴相遙萍水却無親二聯耳

涇縣包孟儀爲孟綬令弟張仲遠大令雁孫德配溫

恭賢孝有古淑媛風當舅姑疾亟時割股和藥以進

夫疾又割臂以療不令人知性復好施人有請者雖

典質不吝大令極孝友與諸姊比屋而居一切家政

皆收姊姪糾代持孟儀侍之謹而和太令貧而好客  
孟儀拔釵沽酒相得益彰嗜書分隸習之忘倦甲辰  
春太令赴試禮闈謁選留都冬初孟儀病逝函問至  
孟繼一慟量絕余曰其情能感人如此平素爲人可  
想太令撰事畧數千言文情兼至嗚呼孟儀死無憾  
矣余賦輓詞四律末云溫潤人如玉幽閒禮自持分  
書摹漢隸小律愛唐詩柳絮傾心久梅花識面時感  
君遙贈意墨跡尙淋漓

前歲孟儀自書八分及撰句  
見惠聯云卷中柳絮傾心久

夢裡梅花

識面時

乙巳春仲孟緹以若綺哭弟婦包孟儀哀辭見示情  
眞語摯摯節之餘尤爲感歎序曰孟儀名令娒初名  
淑娒涇包先生愼伯女甥幼孤育於外家包先生撫  
爲女許字適嫁皆主之因從包姓包先生與先館陶  
君交善吾弟幼慧包先生愛之因締姻年二十一來  
歸吾弟歸十六載卒年三十七孟儀事舅姑婉順謹  
飭與吾弟相敬愛余姊姊四人仲姊早卒余與伯姊  
叔姊皆依母家後伯姊從宦京師弟遭大故歸里父  
與叔姊及余同居孟儀視如同產緩急相恤疾病相

扶持與余尤善以長女字余子余自幼至今一日未  
嘗離母家弟固友愛亦孟儀之賢有以成之古者女  
嫁父母幾多不歸甯亦以兄弟類踈濶兄弟之妻未  
必皆能相善與其近之母爾遠之甚哀之詩所以思  
歸而不得也每讀詩未嘗不喟然歎竊幸余之所遭  
爲勝於古乃歡聚方殷而孟儀遽歿傷哉弟方謁選  
都下余與叔姊視其疾理其喪撫其子女相與慟棺  
而哭之不足抒吾悲也復爲詞以哀之詞曰天毓淑  
嫺以儷吉人云何不用遺殞其身繫此令儀維家之



積祚之不延乃闕其聲英英吾弟實難爲耦天作之  
合庶幾不負吾弟克孝子佐晨昏歡迎柔溫以安三  
親吾弟克友子執禮文敬事伯妯俗謂罕聞及余姊  
妹恩誼尤篤暱如影形心通涼煥兒嬉女娛以煦以  
噢分少絕甘必均必溫吾弟宏抱康濟在懷子遇貧  
乏卽卹脫釵吾弟正逸翰墨是耽子好臨池分隸相  
希望曰儼光軒名遠儀筆床葉案雖離鴈鴈呼  
儀古有賢女遇人不淑抱戚誰語輝山之寶非和不  
知流水之操非曠不怡得意一人聲無不宜胡不爲

樂條與世離嗚呼孟儀子有老母幾幾孤影賴子相  
守痛絕亡生九京知否嗚呼孟儀誰憐吾弟艱苦備  
嘗遠客千里志士情勞人心痺戚戚寡歡曷其有  
既嗚呼孟儀弟將余迎見弟思婦若爲余情嗚呼孟  
儀女爲吾婦見婦思母我心孔疚悠悠身世迢迢歲  
華爲欣爲戚所思靡涯

裕東巖制軍泰女

希孟號姒音暑齡卽敏慧能

詩夏夜園中云中夜生明月西園竹影橫螢光含露  
氣蟬響以栗聲草色隨煙碧花叢倚石清山鐘何處

發幽獨自含情甲辰歲女弟子宗穆君曾授詩於剡  
音故得讀此也

會稽勞鏡香

蓉君

孝廉丙苙第三女諸生陳錦室工

詩善書如咏楊妃云一樹海棠仙子夢三章芍藥美

人情寄冰香姊云一雁又隨人北向雙谿

原注地名還逐

夢東流春眺云一天晴蕩溪光碧萬樹高攢塔影紅

夏日偶成云碧樹陰中眠白鶴紫藤花下養紅魚頗

有畫意

江南本多閨秀近見常州呂佑甫

福稱

壽華

采之

願

芥采芙姊姝三人幼卽工詩皆已有集佑甫春雨云  
滿院落花春去也五更殘夢燕歸時壽華聽雨云十  
分花事紅都褪一旬春愁夢早醒願芳春草云池畔  
有人初入夢天涯何處不銷魂出筆清妍未可量也  
德化萬象卿謫丹梅龔大史蔡壽祺室有韻香室詩  
鈔冬夜卽事云南枝開偏影橫斜春在匡山處士家  
林下月明閒鶴睡踏殘香雪訪梅花小姑蔡繡卿紫  
莢梅開集諸姊小飲云春影橫斜畫掩門枝頭翠羽  
動吟魂梅花萬樹眞成海笑嚙寒香帶酒吞皆有逸

氣同里諱鳳芝紫璿題篆卿韻香書至圖云曾攜天  
下無雙侶共讀人間未見書太史曾輯國朝閩秀  
百家詩鈔以篆卿殿後

東鄉吳小茶芸華爲蘭雪刺史次女善畫墨蘭有養  
花軒詩鈔惜春云桑徑綠稀蠶漸老杏園紅減蝶初  
過除夕云柏葉醅成迎歲酒竹爐煮就祭詩茶小茶  
號石溪漁女蓋因母蔣錦秋徽號石溪漁婦也錦秋  
有琴香閣詩鈔題岳綠春女史畫蘭遊幅云露葉風  
枝妙墨多聽香館是小鷗波避他一簪生花筆自寫

溪漁舊緣蓑

吾鄉孫九晚蘭輟太守高辛才室著有卧雲閣待刪  
草一卷九晚性極孝友詩亦老蒼五律如喜伯兄來  
署別後賦寄云憶自家鄉別相離竟十春池塘頻夢  
草花萼獨凝神宦轍羈南北關河阻越秦秋來逢雁  
字觸景涕沾巾憶故鄉諸姊妹云天地郵亭似人生  
過客如閨中一揮手洛下五年餘兵火驚瀕海關河  
感索居何時共樽酒情話寸衷舒秋日思親云紛紛  
落葉舞堦前愁思逢秋倍黯黯小窗蛩語夜月

明高閣雁來天關河迢遞七千里骨肉分離十八年  
更訝雙魚消息杳恨無飛翼向親邊間居卽事云滿  
院秋芳色最嘉漫將穠豔較春華瑤箋箋珊管都清韻  
一首詩題一種花六言如新秋卽景云雨過涼生石  
磴風來竹弄清音爲惜秋光不寐梧桐月下鳴琴坐  
久香侵翠袖幽花開向黃昏天際明河一線盈盈寫  
出秋痕

蘭陵程梅雪閨貞性至孝父疾亟刲股和藥以進卒  
以此致疾而歿年僅二十有竹籬茅舍詩詞遺稿尿

新月云杏子衫輕怯晚涼纖纖新月上東牆嫦娥不  
把眉雙掃只教人看半面妝結句頗新

鴛湖陳靜宜葆貞陸鯤溟州判憲曾室有綺餘書室  
詩稿沉鬱蒼涼浣花遺響五律秋夜對月憶外云孤  
月上林端秋光滿畫闌遙憐今夜客不向故園看虛  
幌誰同倚征衫淚未乾男兒四方志所歎爲飢寒豈  
有封侯願空教別故鄉料應思骨肉誰與話溫涼懷  
減三年刺人添兩鬢霜上堂親已老何日理歸帆聞  
粵中有警寄外云落拓江湖客行藏不自由那堪羈



旅日重抱亂離憂處賤無奇策依人豈善謀歸期願  
早定北望理扁舟百越愁回首高堂有老親頻年無  
信息此日又烽塵長是傷離別何由共苦辛願隨飛  
雁去重作嶺南人七律秋日寄外京師四之二云長  
纓欲請願終乖斯世如君豈棄才仍見傳烽來海徼

原注曠夷  
尚未平靖

枉勞拔劍起蒿萊奇窮自是詩人例經濟

誰憐國士才此去幽燕尋古跡黃金臺下漫徘徊  
泛萍飄蕩歲憂何如歸卧舊林邱湖山深處宜偕隱  
風月佳時好縱游浮世升沉原夢幻貧居安樂勝公

侯憑誰寄語京華客南望江鄉早放舟  
擬古征人怨  
云羽檄傳烽燧歲憂干戈畢竟幾時休  
生靈在墮甕  
沙劫將吏初無守禦謀  
淡淡星河千里月涓涓風露  
九州秋軍中刁斗樓中笛思婦征人  
永夜愁感懷云  
靜思百事總堪嗟早息塵機願敢奢  
宇宙不磨惟古節  
古今難駐是年華  
怕看秋水常生浪閒聽春風自  
作花但有箇編常在手此生生計未全差  
浮生活潑  
已多時潔已常存世外思  
把卷愛看高士傳含毫羞  
賦女郎詩升沈定分何須問  
疎懶天成未易醫習靜

掩關非好佛爲嫌塵路太多歧保陽寓中作示外子  
浮生總爲利名驅誰識清閒福有餘儂不鳴機君謝  
客且來同讀古人書其高懷卓識殆不可及惜相隔  
非遙而無從一晤耳

同里關小報

奎齡

舉人從孫女諸生廷輝女年十五

詩已成帙盡受學於外大母汪蘭史貴珍也春日憶  
父云極目燕雲遠春暉寸草依殷勤問來燕何故信  
音稀玩月云聞堦莎影碧羅袂透春寒皓魄一輪滿  
明星五夜闌靜看爐篆裊遙聽漏聲殘露下花枝濕

香痕上玉欄亦頗娟秀又以外祖母汪蘭史看梅二  
律見示云明啾翠羽玉飛鱗淡寫丰姿遠寫神瘦影  
知小惟有月冰霜撒骨獨超塵空山殘雪都無跡流  
水行雲盡是春枝北枝南憑索笑脂香時襲倚闌人  
亦甚超妙海盐朱小葦

葉瑛

學士方增女孔鄉山侍

讀慈愛室有小蓮花室詩詞稿自題花裏寫詩圖云  
原注余以隸體書竹培鴛湖棹歌于冊許定生女史爲繪是圖

繡罷含毫無限情故

鄉風景樵歌聲南湖今夜樓頭月定有輕舡載酒行  
自愛新詞寫錦箋敢誇風致擬花妍年年學隸航清

興最憶情竊放小蓮

原注余有小蓮花室學隸圖

百首長吟感不

勝春愁鄉思逐年增  
花開十里新歌發  
誰采湖頭綠水菱  
鵬波仙筆擬停雲  
繞屋梅花日未曛  
似此溪山宜學隸  
竹爐茶几絕塵氛  
余丁酉冬曾題小蓮  
小蓮花室學隸圖  
小蓮工分隸筆情妍媚  
詩亦楚楚有致  
聞於乙巳歲棄世不勝嗟悼

沂水劉慎之

汝淑

春臺員外遵和女垂髫即能吟詠

秀蕪無匹十三歲詠榆錢云  
望去枝枝綴飛來片片  
圓天工其富有編處撒青錢  
重陽云屈指重陽今日

到中庭無處去登高黃花滿目秋光好散步東籬望  
幾遭愜之出筆娟淨惜不能專習文翰今從故紙中  
錄出數章亟爲存之

安邱李琬遇雲舫漕帥長女中書陳本室幼而敏慧  
性耽吟詠雖不甚講求格律而往往出口成章自然  
秀逸蓋秉祖慈之教也常問字於余聞余詩話將成  
寄詩二章至序云乙巳歸甯家嚴以月涵女史手製  
桃花粉賜余云檢其遺篋所得余不忍用以贈小雲  
弟姪人相夢蘭感成一絕云昔日桃花面上紅而今

零落付東風。幾回追憶生。惆悵彷彿眉痕。映鏡中猶  
記妝成。倚畫闌嫩紅添暈。怯春寒分明一樣朝霞影  
飛上他枝。不忍看母曹雲錦夫人亦解文翰且甚賢  
孝

江都史心玉

璞瑩

侍郎致儼女諸生汪彙樞聘室有

離鸞集心玉。幼字汪生。親迎有日而生卒。心玉請於  
父母往哭。成服矢志守貞。和美心女史。春日韻云。連  
天草色綠無涯。瞥眼韶光感物華。幾樹陰垂春已晚。  
一鉤簾捲日初斜。淒涼小院憐飛絮。寂寞空庭掃落

花何事流鶯如有恨聲聲啼近碧窗紗余見湘痕間  
題離鸞集有洗面至今惟有淚掃眉從古不宜才同  
調生憐沉痛乃爾

馮太夫人戴氏江蘇上元人自號澈道人吾園侍郎  
之母有澈道人詩存詞存太夫人詩筆高超錄其五  
律樂笛云斷續笛聲悠夜闌人倚樓梅花三弄調楊  
柳一番愁爲怯朱唇冷應憐玉指柔餘音隨客夢何  
處是涼州

長洲張靜芳知縣若淦女諸生戈楸教室旌表孝子



由襄母以節賜旌工琴善畫博通經史早寡撫孤教  
養成立壽至八十有一題自畫梅云生性耐霜雪小  
窗橫一枝願爲松竹侶羞比李桃姿鐵骨我能寫冰  
心人莫知清香自珍重好共歲寒期按孝子字小蓮  
有才名母病刺血書疏禱天得愈後居喪以哀毀卒  
婦元和袁夢仙監生廷樞女諸生載母有疏影暗香  
樓吟稿載兒人泮詩以勗之云汝能讀書志在聖賢  
文章其後品行其先汝旣入學當成大器業精於勤  
毋自暴棄內節嗜慾外慎交游承先啟後崇實黜浮

念汝一身關係匪淺思貽令名汝其區勉按載字順  
卿著有詞林正韻行世婦吳縣金玉卿婉諸生紹溥  
女有宜春舫詩鈔爲外錄詞林正韻畢書後云羅襦  
甲帳愧非仙寫韻何妨手一編從此詞林增善本四  
聲堪證宋名賢女如芳馥華有課鸚短句九歲詠鳳  
仙花云鳳在丹山穴仙尋碧海家如何謫塵世偏作  
女兒花學詩云聽慣吟哦侍祖庭唐詩一卷當傳經  
花紅玉白描摹易筆底還須寫性靈詩皆秀逸如芳  
年十九病卒

吳縣董綺琴國容號靈瓊縣尉如蘭女巡道國華州  
同國琛妹著有繡墨軒遺稿綺琴幼慧十歲能詩塾  
中讀書時兄以闌中蘭屬對卽應聲曰簾外蓮事父  
母孝侍疾恆數晝夜不寐未嫁而卒年纔十七耳虎  
邱山塘泛舟云簫管聲中夕照遲有樓臺處有花枝  
舟人解事雙橈緩獨爲青山住少時池荷初花云已  
過清和四月天玉池碧影盡田田臨波忽有冷香動  
葉頂一花開最先姪女綠英世蓉字繡霞州同國琛  
女戈昌頤室有餐花小榭吟藁和外題九九消寒圖

韻云畫樓晚照日初斜開展新圖驗歲華寒意乍來  
消未得繡餘著色到梅花有腳陽春畫裡知淡妝漸  
漸暈胭脂休嫌呵凍題詩懶轉眼花開杏苑時綠葉  
爲金玉卿子婦能承家學才德萃於四世亦可欽也  
臨桂朱太夫人姚氏同知鳳森室侍御瑄母工詩詞  
三元詩并序云嘉慶二十五年庚辰春閏殿試題名  
錄見桂林陳繼昌字哲臣以解元擢會狀相國陳文  
恭公宏謀之元孫也余昔遊伏波山還珠洞見前明  
正德二年雲南按察司副使包裕丞石刻詩云巖中

石合狀元徵此語分明自昔聞巢鳳山鍾王世則飛  
鸞峰毓趙觀文應知奎聚開昌運會見臚傳現慶雲  
天子聖神賢哲出廟廊繼步策非助後註云伏波巖  
有石如柱向離石二尺許識云巖石連出狀元至是  
石將連矣詩後四語與陳狀元名字適合一奇也夫  
子喜而作詩余亦效顰云爾桂林山水甲天下歷朝  
鼎甲冠諸夏原注唐乾甯二年甲寅狀元趙觀文南  
漢白龍元年乙酉狀元梁燾宋太平興  
國八年癸未狀元王世則皇祐元年己丑  
狀元馮京開禧元年乙丑狀元毛自知榕門相國  
五世孫翰苑文章齊董賈伏波玉桂一枝連可知狀

元生自天粵西鄉黨爲之羨小試三元已在先

原注夫子

云哲臣小考縣府院試皆第一時謂小三元

三元古今雖疊有三千年挑

十丈藕張又新崔元翰彤廷對策文章煥孫何王曾

暨宋庠郁乎一代文明昌復有楊賓王巖叟英風勃

勃登名塲願爲金室孟宗獻勿爲元室王宗哲黃甲

由來勸忠孝此衷何以勵臣節有名商輅真賢臣加

以黃觀爲兩人又見何漢陳誥與談奮軼事若知否

南部新書武朔皇亘古文名傳不朽我朝醞化慶

覃敷五星連珠光海隅辛丑湘齡錢學士後先輝映

楓宸趨統計三元十有七茲喜哲臣名第一遙望  
榕門培遠堂廉吏有後信今日太夫人此詩見於正  
始集侍御與外子同講索全稿不得遂錄此章

江夏葉柏芳

俊傑

知縣孔昭誠室知縣應際母有柏

芳閣詩鈔黔西道中云險峻憐羸馬行行路轉迷東  
雲常隱日寒水不歸溪石滑人應怯山空鳥自啼停  
輿遙指處煙露鎖黔西女孔潛芬年二十一卒秋雨  
卽事云一雨生微寒陰雲壓茅屋疎簾閣林鐘秋聲  
滿落木

曲阜孔叔凝

淑成

訓導廣孫女賢裔顏士銀室有壘

靜軒遺詩一卷卒年二十九歲題山水云鏡裏山光  
濃似黛壺中日影靜如年何人攜手層崖上一覽長  
空萬里天

虞山屈宛仙

秉筠

有葦宮花史圖記云柔兆執徐之

歲花生之辰羣史會於萬花深處疏岫欲雲幽溪蓄  
翠竹林以清氣相娛蘭澤以芳心自愛瓊闕垂景瑤  
真接襍顧異苔同岑竟晷不如歷時永也衆香殊魄  
托詠不如標圖顯也附今於昔藥月以花爰召畫工



集而繪之芳梅照玉璫珞翠裾淡素若江采蘋然花  
索笑者謝翠霞也服紫絲據盤石撫琴動操幽蘭續  
紛繡比於謝道韞者則余也淺赭仙裾筠簞荷鋪如  
梨花一枝效顰國澹掃蛾眉者言彩鳳也嚶珞霓裳  
旋風迴蹀作太真沉香亭北舞者是吳素芬淡碧袖  
揚榴花映面指拈雕管約潘夫人火齊環者屈婉清  
也柳陰延佇扇藕綃若玉兒步蓮花來者葉茗芳也  
秋花雙碾以紅袖連襪運若蘭織錦巧思者爲李餐  
英其衣綠珞金如麗華出廣寒桂底執玉樹歌新卷

昔言澹玉也紫襦褕被雲肩髣髴西京賈佩蘭手泛  
菊酒者爲趙若冰粉黃舞袖鑲金瓔珞疑花蕊在芙  
蓉城自攜一卷冰雪是蔣蜀聲也寶兒憨態紅繡垂  
髻綠玉瓶插都勝一枝捧之以當司花爲陶夢卿乘  
靈槎採元芝馭瑤珮神其洛水與渺渺然而至者席  
韻芬也此十二司者香國新盟瑤池舊侶寫花作影  
影盡如生借古稱神神希于古月雪之清煙霞之幻  
其姿也風露之淡水石之秀其韻也涼燠相代圖中  
之景不殊也榮悴有時景中之人不變也是耶非耶

仙乎幻乎人不得而知又安取人之知圖成酌酒共  
祝而屬余爲記余則屈宛仙也時在嘉慶三年歲次  
著雍敦牂如月古花朝日文筆曲折情景相生妍妙  
無倫

名媛詩歸卷十

錢塘沈善寶湘佩著 受業完顏佛其保校字

雲英山具詩曲草山經妙夫人 鄧維唐宋舊經陳詩

稿生結錫山胡月莊宜人 咏絮亭詩草庶姑唐古

直慶雲 女音學詩稿見詩經樓夫人題唐六如同心

合意圖云一林宮商記六如同心方可賦同居我家

伴者同心處但使雙雙也讀書風雅萃於閨閣 魏

海內名家詠絮亭稿中蘇堤春曉云山翠乍明殘月

落柳煙初起早鶯飛平湖秋月云秋空只恐星河溷

夜靜還愁樓閣浮  
女蘿亭集中夜坐云  
雨後新涼飛扁鵲  
露中清氣聚圓荷  
送夫人歸甯曲阜云  
星含別意將離月  
風帶春愁欲送雲  
夏夜云風從嫩竹梢頭  
軟月向新桐葉底圓  
春雨云曲徑花愁春  
曉晚小樓人聽夜  
分明可謂春蘭秋菊  
各競一時之秀也

孔經樓夫人得元人章珪梅花七絕百詠遂令劉詩  
之宜人謝月莊直人唐古田女史及長婦劉潤芳

蔡

長女孔靜

安

同賦五律百首和之爭奇角勝各有

新句經樓探梅云淡痕尋水榭暖意問山家溪梅云

人尋橋上樹鶴渡水邊村書之盆梅云浮香迎畫案  
寫魄拂雲箋清江海云古花依水立明月帶煙流月  
莊友梅云冰心常作伴玉榦共爲隣羅浮梅云雲裏  
寒香影枝頭翠羽聲古儂夢梅云分明尋瘦影彷彿  
纔高枝乍開梅云雪晴初見影風過忽聞香淵芳憶  
梅云頓添昨夜夢誰寄一枝來寄梅云鶴去留仙跡  
人來印履痕落梅云仙夢浮雲外春愁玉笛中半開  
梅云平分春一色淡寫月三更孔靜尋梅云此地初  
含蕊前村或帶花月梅云暗香浮檻上瘦影透簾來

樵徑梅云路轉春林遠山深夕照微官梅云花邊鈴  
閣暖雪裏戟枝低

嘉興錢伯芳

繼芳

爲雲姜之姊阮受卿郎中

祐

繼室

工詩遺詠火炕云任教風雪滿窗前儘有陽和入几  
筵錦褥圍成方丈地花磚薰透小春天鍼邊茶熟三  
更後帳底梅開十月先互背霜華渾不覺醒來清夢  
鳥聲圓冰牀云一枝竹筍走通津顧盼中流自在身  
支足但教施寸鐵掉頭那用轉雙輪壺中叔寶清如  
玉榻上維摩爭絕塵東合琉璃趺坐隱還須履薄慎

陽春雲裏出李紉蘭

介和

題太清畫冊詩數紙內有

詠牽牛云珠露團來似落翠雲幻作花鈿倘是謫從

河漢曾捕天孫繡邊紉蘭爲伯芳從嫂工鐵線篆錢

子範孝廉

保惠

室伯芳又出其從姊孟端

德容

詩一

冊孟端爲裴山中丞

楷

女阮受卿之原配余嘗聞屏

山雲姜言孟端詩書皆佳工容悉備今讀全稿至性

真摯傳語非虛如寄繼賢第五古云吾弟就傳時聰

穎性發揚孝故事大母怡色慰高堂偕余讀詩書朝

夕同文房不幸遭不造哀哉痛我腸吾弟純孝者口



不入水漿強起節哀性肅然承

天章

原注先君以巡撫蒙恩

賜祭葬誠爲異數

君恩與祖德拳拳曷敢忘勤儉以持家

敦厚聞於鄉浮雲陋青紫勵志窮經細腹滿書五車

目下字十行怡怡一室中古歡正未央無何我遠游

隨侍來南荒天涯共地角五載更星霜聚苦歲月短

離苦歲月長每夢歸安事巾夜起徬徨朔風自北來

萬里鴻翔翔報我以德音惠我以文章談笑藉尺素

終各天一方何當理歸棹薄泔我衣裳入門拜阿母

手足相稱觴見子折掌珠啟我舊詩囊樂此至性情

和順洵足慶時哉不可知江海空茫茫佳句如清齋  
初夏云小盞新香生齒苔頭柳濃綠透芭蕉送春云  
垂楊射圃鶯聲老芳艸花田蝶夢疎和受卿冬日陸  
行云小溪須合雙輪健野樹風狂萬籟鳴燈殘驛路  
三更黑霜勁江村萬木黃

又於雲姜扇上見同里藍湘陰

靜琴

贈別詩六章低

徊宛轉不減陽關三疊今錄其三云綠楊城郭動離  
愁春滿皇都作宦游三月煙花好時節銷魂入又別  
揚州長淮波暖碧粼粼畫舫牙檣一色新紅徧桃花

青徧柳如何不解欵行人離思黯黯意重重寫上齊  
粧墨未濃一笑置君懷袖裏天涯常與故人逢

金壇段淑齋太恭人

訓

爲同里龔闇齋觀察麗正室

定菴祠部

鞏祚

母著有綠華吟榭詩草感慨纏綿自

題伎園話舊圖

原注甲戌春與溫亭姪女晤於技園  
喜而作是家大人親爲製序以寵榮

之爰題四  
絕於幀尾

云廿年風雨客都門骨以存亡幾斷魂難

得歸來還似舊白頭人笑勸開尊南桂三桐漸拂雲

石橋南畔記前裙中年不盡蒼涼感同話長安尙有

君良常山色夢中青同記吟詩在謝庭君正垂髫儂

還娘卅年事訴老松聽嚴親指點繪斯圖水榭風廊  
小小居又是一番鴻爪跡悲觀他日更何如

翠川歸佩珊懋儀著有續繡餘草行世聞佩珊風神

美秀頗類其詩惜余生晚未獲締交繡餘續草僅全

稿中十之二三耳詠古諸作氣韻深沉五律詠梅云

小閣簾初捲中庭月正明一聲瑤鶴警滿地瘦枝橫

韻極何妨淡香多轉覺清相思隔煙水無限隴頭情

驛柳云如此風流說贈行客懷蕭瑟怕聲清聽殘玉

笛剛三弄送過陽關又一程古渡月明春有影長隄

風定浪無聲郊原旧暮行踪少斜拂青帘緩緩迎半  
是愁絲半淚絲對他鄉更說臨歧旗亭客散春歸後  
灞岸驪歌月隨時瘦到可憐何忍別青還無際況將  
離饒他一種纏綿態頻觸樓頭少婦思春草云年年  
披拂賴春風高下淒迷接遠空滿目亂愁帆影外十  
分生意雨聲中埋將靈氣千秋碧染出芳心一寸紅  
今日故園荒徑裏踏青曾記過吳宮昭君云斜抱琵琶  
舊淚暗傾天山碣石雪風生一言定使青襟笑失意  
翻贏得古名憐舊云媚媚合曼水仙憐解珮江皋憶

往年料得夜涼成。獨醒一池香影。鴈眠佳句五言。  
如卅中云。霜氣壓簷重。潮聲捲夢寒。渡口人呼急。雲  
頭送雨來。感懷云。愁多天地窄。情重死生輕。海棠云。  
嬌多渾似醉。豔極豈無香。七言如秋草云。絕塞清笳  
悲牧馬。西風殘照弔王孫。帶雨何人鋤斷岸。履霜有  
客度長橋。白桃花云。雲迷玉洞春何淡。花到仙源色  
是空。蘆花被云。一枕詩成湖海氣。半宵夢繞水雲邊。  
寄玉芬夫人云。天寒翠袖依修竹。古屋青燈映女蘿。  
和毛山人春興云。萬里江山窮駿足。天涯詞賦老才。

入側身天地頭先白放眼郊原草又青登紅雨樓云  
滿徑綠陰濃似染一樓紅雨墮無聲題看劍圖云總  
是難消才子氣諒無恩怨到胸中佩珊母李一銘心

敬  
觀察歸朝煦室著有繡餘草姑楊蘋香鳳妹號茸

城吳門人知府李心耕室著有鴻寶樓詩鈔一銘寄  
外云客路三千里相思一寸心恍隨春浪駛情寄海  
雲深未遂青山約聊題紅豆吟征途愼寒煥雙鯉慰  
佳音蘋香讀史云奇哉一婦人可制億男子唐也倏  
爲周怪事那有此煌煌太宗業樹立同山峙傾覆不

須臾豈復數呂雉古者母后賢乃與周召比地道本  
無成宣仁未足美衆雌而無雄不卵亦云已佩珊親  
承家學薰染已深故爾不凡也

茗中徐湘生書自號南林內史才媛而兼壽母情晚  
年孤苦依甥舅市澁尹以終卒年九十三矣余聞  
瑟君與南林相識因向瑟君覓其殘稿報書至得古  
今詩一冊山水畫數紙詩筆清蒼畫復古秀水墨蒼  
茫頗似海嶽惜無款識耳詩如題雨窗話舊圖云徑  
竹庭梧拂翠遲一聲聲滴一枝枝秋情綿屬懷人起



不是尋常聽雨時。恨別心情未易描。等閒誰與證無聊。  
階前舊語燈前影。記取疏簾第幾宵。春闌云碧闌干外。  
畫橋西十里。垂楊水拍隄。燕子不來春已晚。等閒惟有鷓鴣啼。  
題畫云。買得深山便閉門。閒來生計與誰論。行人遙指炊煙處。  
知在前溪第幾村。爲戴柔齋夫人畫桂芬樓圖。成以詩見酬。卽和原韻云。每愛  
捧君詩句讀不妨。索我畫圖看斗室。幾時方語兩硯田。終歲只耕雲  
梅花云。但覺丰林添夜雪。從教萬樹轉春風。獨坐云。人生眞幻終成夢。  
爐火寒溫盡死灰。

題畫云黃鶴蒼茫田性得清藤游戲不形求入十五  
歲題看碧堂合稿云芸閣卿同探二西蘭開我及識  
雙丁工巧如此強健可想

偶見十三名媛詩鈔直隸居七大城劉蕘華友義有  
感云寄將茅店挑燈淚併入官齋聽雨心任邱李似  
漪學俱落葉云招來野色林閒處送盡秋聲雁過時  
李韞華汝瑛晚眺云林靜雅聲晚風高木葉秋晚泊  
云征帆飛鳥外鄉思亂雲邊靜海李蓮溪培筠春望  
云飛鳥來雲外征帆挂夕陽方采芝芳過洞庭湖云

萬頃波連雲夢澤幾行雁過岳陽樓紀異中感懷有  
布被生寒夜雨來七字最妙詩俱自然工雅

維揚沈岫雲在秀有雙清閣詩鈔弔淮陰侯兩詩最  
爲出色有大將功名原震主假正心跡早疑君及未  
必弓藏因鳥盡早同飛燕啄孫來二語直誅呂雉之  
心而假王句尤未經人道淮陰有知亦必首肯又見  
香山麥又桂漢中懷古云儲子恩疎憑輔翼若翁情  
薄忍杯羹則漢高之不孝不慈亦不能無愧也

雲林嘗言其仲嫂著溪葉季英能詩早歿稿亦不存

僅記其故鄉山水遠歸路夢魂邊一句今見曇花小草一冊卽季英所作稿爲乃父筠潭方伯所刻故雲林不知集中詩亦不多棲遯之音居半緣受業於生香館耳季英名福芝巡檢許延采室

余最畏北地風沙每至春花爛漫時聞風聲如吼惟  
有下帷瞑坐爲羣芳歎息雖有白尺彩旛十萬金鈴  
亦無可如何也偶讀嘉興金仲芳孝維有此廬詩鈔  
中有燕地春深風沙尤甚偶吟二絕以誌鄉思云東  
風日日散飛塵兀坐垂簾負好春憶得故園寒食後

花香鳥語最宜人萬花開放雨初晴湖上笙歌柳外  
鶯背信長安春欲晚塵沙滿目聽風聲已先得我心  
矣

癸卯七月既望月明如水爽氣宜人銀河亘天吟虫  
滿砌因憶數月未晤孟緹不知近况何似口占一絕  
云渺渺雲羅瑟瑟波水精簾捲近秋河陂昨宵風雨  
今宵月料得吟窗秀句多詩成未暇錄寄次日孟緹  
忽惠書并示月夜見懷虞美人二闕云井梧搖落新  
涼夜葉滿銀床罽長空如水月如規安得故人攜手

共徘徊分明咫尺城闕阻似隔蓬山路一編冰雪足  
消憂無柰模糊雙眼轉生愁著書聊借維摩病塵慮  
應刪盡別來幾見月盈虧恰羨素娥常得旁書帷吟  
哦未覺清宵永好學應忘寢憶君聽徹漏聲長振觸  
屋梁落月影微茫余讀之不覺駭異何心心相印一  
至於此亦覺我兩人之交情非同恆泛矣卽和二闕  
云碧雲迢遞銀河靜瘦到梧桐影掩簾望明月初圓  
贏得滿懷秋思不成眠裁詩欲寄遲鴻雁俗事紛難  
遣開函今日讀君詞省識懷人同是月明時名山已

占千秋業何敢分瑤席人如菊淡氣如蘭安得吟窗  
日日共清談紅閨知己如星散觸緒心淒感消愁聊  
且學雕蟲五色迷離頭腦已冬烘

漢陽劉繡餘卽事云皎皎銀河星影疎花香風送過  
庭除綺窗燈火慵挑線爲愛新涼夜讀書新安方青  
君可瑟居云懶慢心情稱瑟居日高鶯轉夢迴初起  
來盟漱無餘事閒對梅花讀道書吾鄉汪小庵貞睡  
起云連朝風雨滌疎櫺砌下新苔滿院青睡起清閒  
無俗事幽蘭香裡讀黃庭閒雅嗜好抑何相同又有

風趣相似者吾鄉茅小素

玉環

題自畫扇云信手閒

將水墨塗雲山一片景模糊自然有个如他處不必  
披圖問有無宛平韓孝梅春日與兄垂釣云綠漲春  
池若畫圖繞堤楊柳倩風扶幽人自領煙波趣莫向  
竿頭問有無如舉叢禪詠漁云閑來一槩向江湖七  
尺絲綸一尺鱸瀟灑生涯雲水裏桃源莫問有還無  
三押無字又許定生之我與春山同小名白蓮居士  
之我與荷花同日生句法相同雋雅可愛

碧城女弟子合刻清新華麗不下陶園如嘉定王仲



蘭 蘭修

和壁間蕭我聞韻序云乙亥孟冬朔日至鄧

尉掃墓晚宿西虹橋慶福庵見壁上題句云孤雁月

明樓外響修羅風起殿頭寒餘字漫滅不可辨識未

署湘江蕭我聞題詢之尼眾知外邑饑婦逃難至隨

卽遠去不知所往余嗟歎良久乃和書於左方云滿

壁蠶眠子細看不禁擊節爲心酸定知中澤飛蓬敗

何處天涯翠袖單誰與伶俜千里去可能棲息一枝

安嗷嗷徧地哀鴻是更爲蕭娘淚不乾詩旨溫厚筆

亦老蒼仲蘭七古最有魄力

吾鄉汪逸珠

琴雲

爲陳頤道大令寫碧城仙館圖題

云霧閣雲窗四面開  
游仙畢竟是仙才  
畫幕陰陰體詩  
宮體今日江東有  
玉臺  
騶來白鳳與青鸞  
花滿層城  
月滿墻金碧樓臺  
詩世界幾時來  
凭玉闌干

太原辛瑟嬋

絲

西湖雨泊云中聽  
雨雙柔檐山外

看山萬翠鬢病後登小樓有感云  
秋冷蠨蛸行硯匣  
夜深蝙蝠響琴絃  
題管靜初碧城覓句云  
春到牡丹  
纔國色人言太白是仙才  
桃花嶺過雨云  
幾片濕雲  
松樹頂飛來雨點半  
桃花瑟嬋貌極妍麗而不永壽

歿後降乩云爲廬山女仙李騰空度入詠真洞天才  
鬼詩仙無從考証長州曹小桀培英哭琵琶云蘭葉  
有情銷蛺蝶梅根無地茁鴛鴦共說美人能化鶴本  
來仙子解驂鸞應彷彿一二矣

金壇吳飛卿

規臣

題黃鶴樓壁云天風吹我羽衣單

江上梅花伴曉寒他日我來橫玉笛月中祇解跨青  
鸞登蓮花峯訪玉井非非池也蓮尙未花戲舉一葉  
云絕磴迴梯踏翠煙飛行又向此峯顙採來一葉人  
間世太華峰頭玉井蓮聞飛卿善舞劍蒙城張雲裳

襄

善騎射二入詩皆清絕塵氛雲裳和青邱梅花詩  
九首傳誦一時佳句如林外亂鴉衝雪去山中孤鶴  
破寒來萬樹雪明簷外寺一條香蘂水邊村一桁斷  
霞松徑晚幾枝初月草堂春月明樓閣橫銀海日暖  
園林起玉煙聞趙淑芳云雲裳數年前隨官入都悵  
轡而逝薄命佳人抑何多耶著有錦槎軒稿烏程陸  
紉蘭綴芳詩頗穠豔如唐人古意云誰教錦瑟待文  
鴛祇許文簫伴采鸞連理瓊枝連理桂台歡珠樹合  
歡蘭寫來宮體沉吟讀纖罷迴文宛轉看長願將身

化明鏡一生贏得是團圓

吾鄉袁小芬姊爲隨園老人女孫詩筆輕俊夜坐納涼云碧天雲淨露華濃閒坐迎涼小院中移榻愛教身近月捲簾還欲面當風蕉圍曲檻下重絳燈閃高樓一點紅調却塵氛添逸興誰家橫篴度遙空小芬有靈簫閣詩選知縣史璜室

歙縣何吟香

佩芬

妹琬碧

佩玉

芷香

佩珠

吟香又號

蘭卿白海棠云煙柳晚涼人獨立雲廊雨細蝶雙飛  
陶秋云萬里碧雲江上路半林黃葉雨中山秋海棠

云枝分翠黛秋無影淚化紅冰鏡有痕晚眺云繞郭  
山沉三面翠歸村人荷一肩花疏碧又字瓊若紅橋  
秋柳云夕陽紅映花間舫涼雨青圍水面簫中秋云  
鶴隨松影眠三徑人與花陰聚一闌送外侍翁兄赴  
粵云惜別本無兒女態聯吟喜與父兄同鄉關日遠  
驚驚水海國煙寒玳瑁潮屈伸未免依人苦冷暖應  
知作客難滿籃香露花含笑一路春山鳥畫眉芳情  
逸韻可方劉家三妹吟香姊妹爲鹽知事秉棠女  
祁門張婉仙

儀昭

紅橋春泛云小紅樓閣小紅橋更

小紅闌泛畫橈一舸開紅人小立小紅低唱我吹簫  
吾鄉陳妙雪滋曾坐松顛閣作壁窠書贈遊女云螺  
髻峰高對綺疏松顛閣外碧天虛雙鬟遊女簪花笑  
看我淋漓潑墨書詩境雖不同而風流自賞正復相  
似也

金壇于燕生

月卿

集唐題梅堉夫子影梅庵樂府云

良人的的有奇才醉後仍將笑口開珠玉會應成款  
唾綺羅長擁亂書堆誰言瓊樹朝朝見莫學遊蜂日  
日來花下偶然歌一曲却思金馬笑鄒枚秋盡江南

草木凋佳人屢出董嬌嬌紅樓翠幕知多少羅戰金  
蓮何寂寥自歎馬卿常帶疾偶逢神女學吹簫傷心  
欲問前朝事二十年前舊板橋一氣貫串如出己作  
梁陽史琴仙靜爲蕊生叔姊亦工韻語蕊生百樂詩  
於李易安朱淑貞尙沿舊說琴仙辯之云蕤砧風雅  
重當時金石心堅那得移人比黃荅更消瘦何緣晚  
節有參差手編一卷斷腸吟采鳳隨鴉恨太深怪煞  
廬陵好詞筆誤人傳誦到如今易安淑貞得知己於  
百千年後九原有知亦當含笑矣



長洲陳靈簫筠湘和李晨蘭秋雁云一繩秋影渡銀  
河柔櫓聲聲起棹歌夜色最勝蘆葦遠秋成應喜稻  
梁多紅樓破夢燈初灺紫塞驚寒月始波省識江南  
煙水好不須更向洞庭過可謂工力悉敵靈簫爲諸  
生施君珊室同里管靜初筠字湘玉有小鵝波館詩  
鈔靜初爲陳雲伯大令適室汪小韞庶姑家庭之中  
惟以搜奇博古爲事海內知名閨秀數十人問字碧  
城時相酬倡靜初嗜學不倦卓然成家四六古風近  
體莫不工麗近謂全宋奉道懺除綺語矣集中如弔

小青云燕語鶯啼不可聽。楚天哀怨感湘靈。桃花畫舫梅花嶼。寒食何人弔小青。夏日遊仙詩云。白奈花開助晚粧。天風輕颺五銖裳。冰綃霧縠原無暑。祇覺芙蓉玉骨涼。月夜坐梅花下同碧城。主人作云。春寒凝露露華滋。銅笛吹開第幾枝。記取月明滄海上。滿身香雪詠花時。秋夜卽景云。珠星耿耿橫三五。華月閒閒夜當午。天上白雲艷於花。地下虫聲碎如雨。蘭陵云。蘭陵煙樹鬱蒼蒼。帘影春流帶夕陽。今日畫船拼薄醉。爲他春酒鬱金香。佳句如海上見燕云路徑。

碧海來原近春入紅樓語漸多贈李晨蘭云瑤島舊  
游仙子夢玉臺新詠麗人詩碧城主人修河東君慕  
云宰相無心歸赤帝麗華有血殉黃奴題碧城主人  
秣陵集云秋風黃葉尋蕭寺春雨紅闌認板橋過吳  
江弔葉小鸞云梅花自放疎香閣峽蝶閒尋午夢堂  
吳門文湘霞靜玉亦陳雲伯簾室有小停雲館詩鈔  
雖遜於靜初然較之尋常頗不易得鷺湖曲云鸚鵡  
洲邊鸚鵡樓鳳皇山上鳳皇雛儂家祇傍鷺湖住時  
見鷺鷥作對飛鷺鷥湖東娘煙娘鷺鷥湖西寒雨寒

儂家終日對煙雨不識世間行路難

人情莫不喜榮盛而惡衰謝偶讀吳門吳靜香蕙落

花云傷心金谷樓前事不惜開時惜落時護花云罪

竟人情憐國色金鈴常護牡丹花令人一讀一舉節

靜香爲學士蔣錫琳室著有靜香樓詩草

漢陽江梅如

翠青

字半嵐紀夢云香殘盡永小游仙

路入蓬壺別有天洞口雲深隨犬吠山頭鶴懶伴松

眠棋聲半帶風花落果實新嘗火棗鮮恰喜靈臺換

凡骨驚回仍在竹樓前按梅如自記云歲丁酉三月

湖小倦假寐夢乘小舟因風吹泊登岸緩步憩大樹  
下見二青衣云君至此良非偶欲徧覽景物乎余唯  
唯隨之入見林樾聳翠樓閣縹緲風簷霧縠絡繹來  
迎相顧而笑皆若素識至一軒題曰紫虛飛碧其時  
女樂數十輩清歌妙舞盡態極妍所歌盡唐人樂府  
頃之升席坐琥珀光浮珍錯羅列酒數巡衣碧者呼  
雙鬟語曰汝所歌乃前人古調耳近日雅製頗多豈  
無可動聽者乎於是諸伶停拍半晌雙鬟始發聲唱  
余揚柳枝詞余驚疑欲有詢旁一衣絳者曰此卽近

日佳製也若不知爲余作者已而俱起攜手芳園惟  
聞香氣古洞煙靑果垂丹竇舉手可得有圍棋石上  
者有調鶴松間者余樂甚二青衣曰可以返矣回至  
軒中衆知余欲歸皆弗忍舍倚闌佇立忽明璫翠羽  
從屏後出顧同列謂余曰君知其位列仙班乎上帝  
不忍其飄零今得藏身於此者皆生不同時時不數  
覩而偶然比肩一室得從容而盡識之不可謂非千  
載奇遇也乃拂彩箋走霜毫成一絕贈余云千里辭  
家汗漫遊偶乘煙水駐輕舟此間便是神仙路何必

天邊問斗牛余時亦得二絕云不信靈源是舊游何  
因許泛木蘭舟從茲乞得長生術欲挾飛仙宿斗牛  
笙歌隊裡喜同游恰是漁郎一葉舟我亦他年來借  
榻風薰甲帳卧牽牛和畢支頤歡笑已而歎曰今日  
紅閨之妙手他年紫府之班頭矣遂持所贈詩攜余  
手出方下堦又囑以明年中秋來會語未竟忽狂風  
一陣衆俱不見余亦驚寤而起則夕陽西墮月上簾  
鉤追憶勝會歷歷在目因援筆記之余愛其夢境甚  
佳遂併柳枝詞錄之云游絲香暖翹塵天陌上花飛

似去年殘月曉風人未起樓鴉啼破一溪煙至今水  
調怨歌頭玉笛無聲客倚樓白傅退閒樊素若東風  
曾縮小蠻不君從蘇小門前住我昔真娘墓上行若  
過酒旗歌板地誰家不解唱新聲上馬空折楊柳枝  
出門但歌楊柳詞出門上馬兩行淚直到河橋渡水  
時

甯鄉文無非

先謚

有塵奩遺草詩脫口如生多雜謔

俗語閨中劉改之也而有不可磨滅者石楞關云吳  
蜀紛爭古道長此間誰使一夫當千年戰壘無遺跡



已墾山田種稻粱甯鄉又有秦邦淑者感懷云早從  
護閣悲無恃日倚霜幃淚不乾又有宋德崧盛號補  
園癩老舟中不寐云水碓自春侵枕響村砵爭吠渡  
灘聲秋燈云最宜漏永舍花紫却趁風涼入幕青皆  
可觀也

瀏陽歐秀松舟中卽事云荻花楓葉楚江秋水悠  
悠動客愁一路山猿啼不住涼風吹雨入孤舟金銀  
花云點染薌葢百寶欄僊黃如白萬枝攢生平不識  
金銀氣親到花前仔細看頗有唐音

昨於詒緹處借閨秀詩稿內夾一紙係感事詩十首  
不著作皆姓氏因向孟緹問之孟緹亦已茫然余愛  
其一絕云百五韶光夢刹那相看逝水奈愁何誰云  
少女風柔緩吹到春江便起波婉而多風與吾鄉朱  
道珠之別曲同一副筆墨別曲云三載饑驅走路歧  
一春風雨倍淒其黃金最是無情物常使深閨怨別  
離

揚州瓦密鋪開河堀地得古棺前和刻有大唐開元  
蔣夫人之墓青浦許定生淑惠感而賦之云回首塵

蕪蘼落花傷心天寶舊繁華曾無翠碣鐫唐字何處  
清溪問蔣家峽蝶秋墳金谷聚鴛鴦春龐玉鈎斜紅  
簫吹冷胭脂劫豈獨隋宮有暮鴉此事與吾鄉管靜  
初鷗波館詩集中賦三女岡詩相似而不相類三女岡相傳是吳王  
葬女處詩云館娃人去屢聲聞秋老梧宮夜雨殘

玉貌誰憐三女粲青山巔有一邱寒春銷吳苑愁遊  
鹿月上秦臺夢跨鸞應復成煙同紫玉瓊姬夢草又  
關珊詩既成泊舟南橋夜夢一女珠冠玉顏劍佩都  
雅訓靜初曰妾吳長沙桓王之女墮逐之妻遊此今

二千載此玉女岡子前詩誤舊志亦誤邈然而魁竊  
念機雲兄弟並居華亭機山是其故宅則祖宗邱墓  
所在較爲可徵因更賦一詩以存其跡並告碧城爲  
勒碑焉詩云鳳衣翠鑲古宮妝星眼迴眸一寸光父  
業早經傳大帝壻才原不讓周郎玉顏阿母歸魂遠  
劍佩諸姑舊恨長莫認埋香同紫玉英雄兒女管興  
亡同爲埋玉之區陸夫人能托夢於人以証其誤將  
夫人寂寂無聞至遭掘棄是知鬼神之靈爽與世人  
之明闇大概相同也許定生爲女史胡智珠女知縣

鄭海門室有琴外詩鈔瘦吟詞工琴善畫歸鄭早寡  
因父母年老無子爲女塾師以盡孝養集中詠硯爐  
云生雖近墨心仍赤熱縱因人品自端其立品可想  
桂林秦鸞枝鳳翔舉人梁冠臣翰室有和聲集讀列  
女傳云乾坤有清氣不獨鍾男兒游心百世間堂堂  
多女師西陵啟蠶織終古無寒時后稷得母教蒼生  
不號飢亦粵皇與英姊妹型同垂至哉西伯妃四德  
昭母儀周南第一篇千古王化基嗣是踵而起賢才  
分庸奇或比山之安或法地之卑不則抱清節松柏

貞幽姿不則務淵博續史而工詩孝義忠貞志鬼神  
天地悲賦物抒性情落筆風煙隨几此靈秀實皆造  
物鍾之至別聖賢才是又關人爲性者學之宗擴充  
貴靡遺人勝天無權立極成典彝冥頑負斧珥恒沙  
不足豔雕紅刻翠儔往往讒瑕疵閨門習輕薄叔德  
爲之隳白蓮何亭亭菰竹何漪漪清芬照簡冊清影  
光門楣遙遙幾千載心傳終寄誰天地既生吾敢云  
不可追開卷景前哲芳型俱在茲鸞枝詩筆清者伉  
儷甚薦歿年二十五

上元朱菊如景素縣丞桂榮女巡檢單洪誥室有瑟  
雪吟詩鈔南昌竹枝詞云梳粧樓外雨霏微零落殘  
紅作地衣未省烏濠成敗事家家兒女說婁妃春日  
偶成云隔牆桃李競紛華門掩青松巢晚鴉底事東  
風欠公道兒家樹上不開花閨詞云回廊小步夕陽  
斜一樹紅雲映暮霞早歲飄零同薄命當年深海種  
桃花寒閨人病已經年夜夜金爐藥自煎深怪鄰姬  
不解事月明猶唱想夫憐晴窗檢點嫁衣裳千蝶羅  
裙百寶裝今日秋風團扇冷誤他顏色縷金箱菊如

詩筆微婉古詩尤妙而味其各作琴瑟似不甚諧彩  
鳳臨鵲亦可歎也

江甯章味琴孝貞字靜儀俊民第三女周觀模室工

琴善畫著有鏡倚樓小稿憶桐城姚淦溪女史云惜  
別匆匆去路遙聞中寂寞暗魂銷半輪涼月孤舟夜  
知泊揚州第幾橋作畫云遙天水長碧迢迢箇裏人  
家遠市囂似絮白雲遮不住青山一抹露紅橋兩壓  
橋字皆妙

德化苑佩湘漣字清宜知縣明德女孫正衛女陳蔭



園室有佩湘詩草秋雨云寒深雲重雁來遲落葉辭  
枝感別離窗外西風蕉上雨分明秋事不多時何感  
慨之深耶

江西崇仁甘韻仙

啟華

知州寶求女諸生謝蘭韻室

著有焚餘小草瞻超望雪有懷弟婦江云一夜急風  
雨曉看山雪橫遙憐閨閣裏共此別離情已覺寒梅  
破更添春水明飛鴻雲外斷時送雨三聲湖口楊小  
橋舫典史運線女監生汪陶銘室著有白鳳樓詩鈔  
竹林庵云叢竹遙無際尋幽上翠微雲低峯欲合樹

老葉全稀坐愛青山響閒看白鶴飛鐘聲猶未歇秋

色淡斜暉青浦張抱珠

佛繡

諸生姚惟蘊室有職思

居詩鈔遊橫雲山莊云地僻松杉古寒寥人跡稀秋

花含宿雨霜葉舞斜暉山鳥閒催句溪風冷透衣笑

言梁樹底相對澹忘歸江夏張淨因

因

一字淑華舉

人黃文暘室善畫工詞著有綠秋書屋詩集湖上云

湖上春光麗風薰日正和蝶隨芳草集柳近畫樓多

啼鳥疑絲竹嬌花散綺羅誰能攄彩筆寫出好煙波

四人筆意相同余聞淨因曾在儀徵相國家授劉謝

唐諸女史詩

衡陽凌興鳳譚積林室譚氏家中落佃田爲活從夫  
耕有餉饁風尋夫歿姑欲嫁之不從誣以虧節控官  
氏抑鬱成疾絕粒死其兄檢篋得血書文一篇嗚於  
宮始得昭雪人皆快之鳳鳳歌原注偕夫畊田有俗  
子時來譏謔作此自  
意云鳳兮鳳兮何時之衰翺翔千仞兮下而欲覽夫  
德輝阿閣巢隤兮無處可依聊向田間而棲遲命途  
多乖兮淚不停揮忽來弋人兮四面相覷網羅隱張  
兮鳳自高飛鳳自高飛兮弋人空歸鳳兮鳳兮何時

之哀春閨云欲將詩句寫心裁握管情無詠絮才烏  
鵲自銜婆婦血黃蒿空作美人媒寒衾有夢通泉路  
落月無情照鏡臺一幅湘簾春久鎖向東窗戶未曾  
開清明時節百花明觸我胸中無限情最怕呢喃來  
紫乙更愁睨睨聽蒼庚慈猶現在悲亡父妹不聊生  
仗老兄骨肉拋分今暫聚那知殘命一毛輕

無錫馬誦昭

師班

教諭雲題女楊錫瓚室有翠深小

草誦昭工詞善畫山水早寡無子以清節稱妹師孟  
字誦光亦工詩字丁生權未婚守志尋以身殉誦昭

題妹遺照云人生天地間輕塵棲弱草孰能無死生  
智者自了了吾妹幼懷貞齊肩索黎黎十三始學詩  
含毫意綿渺十四工尺幅腕底擘雲藻素德旣悄悄  
大義更皎皎嗟乎生不辰所過多顛倒椿樹痛凋零  
連枝折何早琴瑟未諧鳴鸞鳳分飛杳矢志凜冰霜  
柏舟誓日噉鬱鬱春復冬嗚呼竟早夭訣別忽三秋  
悲恨填懷抱此日對遺圖風雪青山縞竹節與松貞  
伴爾孤魂悄慈母淚如麻思兒心如擣弱姊裂肝腸  
哭君路渺渺颼颼激悲聲淒雨添煩惱我亦未亡人

數載嘗荼蓼欲從泉下魂弱息牽衣繞重傷母氏心  
仰視孀姑老弔影歎楚楚形存如木槁吟詠久無緒  
苦語焉能好世有左鮑才莊嚴圖七寶庶藉彤管芬  
用作招魂旒

華陽蔡冷香

玉生

同知天培女工詩善畫嘗取蘭閨

寶錄中孝女貞姬百人爲百至吟三十不字有待養  
以終之志甲辰孟夏讀余鴻雪樓詩集畫紅綠梅扇  
題詩見贈云半生蘭蕙空山怨一管珊瑚碧海愁洲  
水可濺仙子佩薊門合作錦屏遊青燈有夢供親饌

赤手多情瘞古邱陟屺我嗟猶未塹螟蛉君又寸腸  
柔原注余失恃聞君因義母李太夫人棄養爲服期喪人以爲難後聞爲廬江章璧  
田太史聘焉丙午春于歸矣